

Universitätsbibliothek Paderborn

Vita P. Balthassaris Alvarez, Societatis Iesv Religiosi

Puente, Luis de la

Coloniae Agrippinae, 1616

§. 1.

urn:nbn:de:hbz:466:1-43347

„tionis morte consequuntur quietem illam, quæ in
 „hac exilijs regione potest obtineri. Sed quoniam
 „non statim & vno tractu seriam nostram abnega-
 „tionem amplectimur, fit ut semper gementes cru-
 „cem feramus, nec moriamur in ea: quod est Hypo-
 „critarum proprium.

§. I.

HOC itaque animi decreto coepit hic vir-
 arduum hoc exercitium; aggressusque est
 magno animo & spiritu mortificationem
 eius, quod solet esse maximè in homine profundè
 radicatum, improbam scilicet naturalem corpo-
 ris constitutionem: quæ in initio arida erat, & a-
 spera, secum, & cum alijs: de qua, ab alijs, qui illū
 nouerant, monitus, eam ita correxit ac mortifica-
 uit, ut erga se quidem asperitatem retinuerit; erga
 alios verò magnam induerit facilitatem & suau-
 tatem, eū in modum, quo de S. Patre nostro Ignat-
 iο scribitur, quod naturalis eius constitutio esset
 valde cholerica: quam tamen mortificatione ita
 permurauit, ut omnibus appareret phlegmatica:
 ad cuius imitationem adeò Pater hic naturalem
 suam constitutionem mutauit, ut ex rigido ac se-
 uero valde effecerit mitem, ac mollem.

A F F C T V M etiam carnis & sanguinis erga
 consanguineos, qui alias adeò est naturalis, & in
 multorum cordibus infixus, adeò ipse mortifica-
 tum ac subiectum habuit, atque si nec patrem, nec
 matrem, nec cognatos viros haberet, nunquam
 ab eo audiebatur unde esset, aut quos haberet
 cognatos; nec in eorum se negotia ingerebat. Et
 cùm Romam profectus est; quamuis eundo, acre-
 deundo tribus tantum miliaribus à patria sua
 transi-



transiret: noluit tamen aut eò diuertere, aut villo
indicio ad se accersere. Et cùm eò profectus est,
id fecit ab obedientia Patrum Provincialium co-
actus; & postquam ipse multas rationes attulisset
ad id impediendum: Ob quam etiam causam
nihil vñquam voluit ab eis accipere, ne si id face-
ret, nouo aliquo vinculo ad eos inuisendos ob-
stringeretur. dicebat enim, Religiosum virum de-
beret tota sua vita in id contendere, ne cuiquam
homini super terram cognato, amico aut con-
sanguineo sese obstringeret, sed potius esse, sicut
^a Melchisedech sine patre, sine matre, aut aliquo
consanguineo, qui quocunque modo religiosam
eius libertatem lèdat aut impedit.

V A L D E etiam studuit sensus suos mortificare,
ita, vt in nulla re eorum propensioni acquiesce-
ret. Videndi curiositatem mirum in modum vicit:
dum enim Romam esset profectus, vbi tot sunt
res visu dignæ, abstinuit tamen: ac dum alij ad
eas videndas excurrerent, ipse ad corpora sancto-
rum in oratione manebat, quorum reliquias ma-
gno affectu venerabatur. Cùm esset Collegij Me-
tinensis Rector, ac die corporis Christi iret in
processione, aduerterunt multi, eū toto tempore,
quo processio illa durauit, oculos ita sanctissimo
Sacramento infixos habuisse, vt nunquam eos in-
de auerterit ad saltationes & alia, quæ ad celebri-
tatem illam exornandam siebant, magnamque illi
occasionem ea aspiciēdi dabant. Et quadam opor-
tuna occasione ipsem et retulit, quòd, cùm Vallis-
Oleti esset, in soleanni & publico quodam sanctæ
Inquisitionis Actu, contigisset sibi locus, ex quo
non poterat theatrum, in quo ipsi Inquisitores &

C 5 publi-

VITAE R. P. ALVAREZ CAP. IV.

publicè poenitentes erant, aspicere, quin priùs multas fēminas, quæ in altero theatro ante ipsum erant, aspiceret. Quod cūm sibi videretur valde indecens, & incommodeum, extraxerit quandam beatissimæ Virginis imaginem, quam secum portare consueuerat, in quam ita oculos & cor suum infixit, vt cūm actio illa publica per septem integras horas durasset, nunquā oculos suos ab imagine ipsa diuertisset; neque magis fuit conscientius eorum, quæ ibi gesta essent, quam si præsens non fuisset.

Nec minori cura, ac diligentia gustatus sēsum mortificauit: nam, quando cibus aliquis benē illi sapiebat, statim à se remouebat; & minimum optimum bolus relinquebat, dicens: decere, Deo illum relinquere. Nec permittebat aliquid particulare sibi in mensa apponi. quod si quando aliquid tale apponerebat: illud sibi proximis dabat. Imò si ordinaria portio, melior illi contingebat, quam sibi assidenti; eam cum illo commutabat, ac deteriorem pro se accipiebat. Quod si quando dissimulanter, deteriorem panem, ac duriorem sibi accipere poterat: id faciebat, apponens meliorem, & molliorem sibi assidenti. In cubiculo suo nunquam voluit aliquid retinere ad indulgendū palato, etiamsi illi aliās multa mitterentur: sed cūtabat, vt infirmis darentur.

Cv M ægrotaret, quō maiori in appetentia & fastidio laborabat: eō maiorem sibi vim infere-

ferebat, vt quod apponebatur, comederet: quia ipsa cibi sumptio tunc erat gustatus mortificatio, & cruciatus. Potiones, & purgationes ex Pharmacopœo, etiam si amarissimas, sumebat cum mora, & paulatim usque ad ultimam guttam: imò in ipso ore ultimam partem retinebat, quasi illud abluens: vt sic potionis acerbitate diutius gustaret. AEgrotanti semel apposuerunt pullum non apertum, sed plumis tantum ablatis coctum: & quamvis ingratisimum haberet saporem, comedit tamen ex eo, vt se mortificaret: donec idem ille, qui apposuerat, id aduertens, ex mensa abstulit. Sed has omnes mortificationes ita facere studebat, vt nullus aduerteret, vt sic honorem & opinionem fugeret, quam homines de feso mortificante concipiunt: Sed non poterat illas occultare: quia, omnes attentè obseruantes id deprehendebant.

Cv M semel in hospitio quodam vix aliud ad comedendum haberet, quam unum onus, studio permisit cadere in terram, cum aliquo indicio, quasi inaduertenter cecidisset: quod tamens socius, studio factum aduertit, vt se etiam in illo exiguo cibo, qui aderat, mortificaret. Hostis erat rerum boni odoris extra Ecclesiam, & locum alicuius ægroti, quando id erat necessarium. Et eodem mortificandi spiritu, etiam cum esset superior, immunda loca purgabat. In proprio cubiculo incommoditates quererebat, vt essent mortificationis materiae. Abulæ elegit

fibi

sibi aliquando cubicellum, in quo vix posset se mouere; nec vlla esset mensa: sed in quodam asserculo Breuiarium, & quosdam alios libellos collocabat. Nunquam in coriacea sede sedebat; aut in alia, quæ retro haberet reclinatorium, etiam cùm esset conualescens, & corpus aliqua requie indigeret; ac propterea nunquam in cubiculo suo habuit nisi sellam ligneam plicatilem sine reclinatorio.

S E V E R I Q U R fuit, ac valde rigidus in aspera corporis sui tractatione, dicens: animam quæ amore Christi Domini nostri vulnerata est, non esse contentam, nisi ut ipsum corpus vulneretur: nam tunc quemadmodum in ipsis cordibus est similitudo, quando utrumque est vulneratum: ita inter eius corpus & sacratissimam Domini sui humanitatem, quam laesam videt, & vulneratam. Quare, cùm eius Dominus non mittit corpori dolores & morbos, ipsemet hoc sibi assumit, ut proprium corpus affligat & vulneret. Ita ergo sanctus hic vir faciebat. cùm enim S. Pater noster Ignatius in libello exercitiorum adeò commendet ijs, qui se dedunt orationi, usum pœnitentiarum & afflictionum corporis, magnus erat inter nostros simul cum oratione spiritus & usus Pœnitentiae: ut quotidie cilicium gestarent, bis in die, mane scilicet, ac vesperi disciplinas facerent; & unamquamque ultra horæ quadrantem: dormirent super asserem; semel tantum in die comedenter; extensis brachijs in modum crucis per horas aliquot starent; in triclinio per unum, aut etiam duo Miserere disciplinas facerent; & sancta alia exercitia, quæ ignis diuini amoris in illo-

illorum cordibus ardens adinueniebat, ut seipsoſ persequerentur, dureque tractarent: conantes sancta quadam emulatione alij alios excellere. Et qui sanctum hunc Patrem nouerunt, affirmant, eum hac in re alios excelluisse. Qui cum ferè semper effet Superior, maiorem habebat ad magnas pœnitentias præstandas authoritatem & libertatem. Adeò ſeueras quotidie in toto corpore à pedibus vsque ad caput disciplinas faciebat, vt Tyroneſ Metinæ, per modum exaggerationis dicerent, quod faceret tremere totum illud latus domus in quo illas faciebat. Fuitque opus, vt Prouincialis terminū illi præſcriberet ac limitē: & Cōfessarij aduertentes, quod ex mala corporis tractatione ſenſim imminueretur, & cōſumeretur cilicijs, abſtinentijs, & in affere cubationibus, illum iuſſerūt omnia hæc moderari, ne falu, & ipſa eius vita consumeretur, ſicut multis alijs ex noſtris eadem ex cauſa evenit.

§. II.

NEC satis ſibi existimabat eſſe hanc extēram corporis & ſenſum mortificationem; ſed maiori adhuc cura ac diligētia ſtudebat propriæ voluntatis mortificationi, vtpote prætantiori, maioriſque momenti, ad profectum in ſpiritu, & in omni virtute; & ad maiorem cum diuina voluntate in rebus omnibus conformitatem: quod eſt ſupremum perfectionis culmen. Et hoc nomine hunc ei ſenſum dedit Dominus, quem in ſuo refert libello, sermonem de ſeipſo tanquam de tertia persona faciens: intellexit, inquit, Deum Dominum noſtrum